

DISPÓÑO:

Artigo 1. Concesión de créditos extraordinarios.

Para regularizar gastos efectuados en exercicios anteriores a 1997 polas representacións de España no exterior concédense créditos extraordinarios por importe total de 4.282.495.737 pesetas ó vixente orzamento de gastos da Sección 12, "Ministerio de Asuntos Exteriores", Servicio 01 "Ministerio, Subsecretaría e Servicios Xerais", Programa 132A "Acción do Estado no exterior", nos seguintes artigos e conceptos:

Artigo 19 «Retribucións e cotas sociais. Real decreto-lei 10/1998», concepto 199 «Para atender obrigas de exercicios anteriores. Real decreto-lei 10/1998», por importe de 137.287.015 pesetas.

Artigo 29 «Gastos correntes en bens e servicios Real decreto-lei 10/1998», concepto 299 «Para atender obrigas de exercicios anteriores. Real decreto-lei 10/1998», por importe de 3.858.168.048 pesetas.

Artigo 49 «Transferencias correntes ó exterior», concepto 499 «Para atender obrigacións de exercicios anteriores. Real decreto-lei 10/1998», por importe de 83.711.109 pesetas.

Artigo 69 «Investimentos reais. Real decreto-lei 10/1998», concepto 699 «Para atender obrigas de exercicios anteriores. Real decreto-lei 10/1998», dentro do proxecto "Investimentos previstos no Real decreto-lei 10/1998", por importe de 192.349.741 pesetas.

Artigo 89 «Activos financeiros. Real decreto-lei 10/1998», concepto 899 «Fianzas. Obrigacións de exercicios anteriores. Real decreto-lei 10/1998», por importe de 10.979.824 pesetas.

Artigo 2. Financiamento dos créditos extraordinarios.

Os créditos extraordinarios que se conceden no artigo 1 financiaranse mediante a aplicación a orzamento dos ingresos que orixinaron a Tesourería que permitiu o pagamento das obrigas a que se refire o presente real decreto-lei.

A aplicación a orzamento realizarase no seguinte concepto e importe:

Concepto	Denominación	Importe — Pesetas
305	Taxas Consulares	4.282.495.737

A regularización realizarase mediante operacións «en formalización», sen que, por tanto, teña efectos monetarios.

Artigo 3. Valoración dos gastos e ingresos.

Os gastos e ingresos a que se refire o presente real decreto-lei, que se encontran nominados nas diferentes divisas convertibles nas que operan as representacións no exterior, foron valorados conforme os tipos de cambio vixentes no 31 de decembro de 1996.

Artigo 4. Aplicación ó orzamento, intervención e aprobación da conta.

A aplicación ó orzamento dos gastos que se regularizan realizarase no prazo máximo dun mes desde a aprobación do presente real decreto-lei.

A xustificación de tódolos gastos realizarase antes de dous meses desde a data de aprobación do presente Real decreto-lei polo Ministerio de Asuntos Exteriores, con independencia da sección a que se debesen imputar no exercicio en que se produciron os gastos, presentando unha conta xustificativa na que se relacionarán as facturas, recibos e, en caso de que por calquera causa non se poida dispor doutros xustificantes, certificados ós xefes das representacións nas que se realizarán os gastos.

A Intervención Delegada no Ministerio de Asuntos Exteriores fiscalizará a conta xustificativa a partir dunha mostra significativa dos gastos que se regularizan, que se baseará nas facturas, recibos, demais documentos xustificativos e, en caso excepcional e logo de motivación, as certificacións dos xefes das representacións, cando non sexa posible achegar outro tipo de xustificantes, tendo especialmente en conta, se for o caso, o tempo transcorrido desde que se produciron os gastos e que, en moitos casos, pode dificultar a aportación de xustificantes orixinais. En todo caso, os certificados deberán detalla-los gastos incluídos neles, así como todos aqueles datos e documentos que permitan verifica-la veracidade deles.

Así mesmo, a Intervención Delegada emitirá un informe provisorio no prazo máximo de tres meses desde a presentación da conta xustificativa e remitirao á Dirección Xeral do Servizo Exterior do Ministerio de Asuntos Exteriores, para que no prazo dun mes formule as alegacións que considere procedentes, así como para que corrixa os erros ou deficiencias sinalados pola Intervención Delegada antes citada.

Unha vez formuladas as alegacións ou transcorrido o prazo fixado para elas, a Intervención Delegada elevará o informe a definitivo no prazo máximo dun mes e remitirao á citada Dirección Xeral para a aprobación da conta, se procede.

A conta aprobada, o informe da Intervención Delegada e, se for o caso, as alegacións serán remitidas ó Tribunal de Contas.

Disposición derradeira única.

O presente real decreto-lei entrará en vigor o mesmo día da súa publicación no «Boletín Oficial del Estado».

Palma de Mallorca o 28 de agosto de 1998.

JUAN CARLOS R.

O presidente do Goberno,
JOSÉ MARÍA AZNAR LÓPEZ

20925 *REAL DECRETO-LEI 11/1998, do 4 de setembro, polo que se regulan as bonificacións de cotas á Seguridade Social dos contratos de interinidade que se realicen con persoas desempregadas para substituír a traballadores durante os períodos de descanso por maternidade, adopción e acollemento.* («BOE» 213, do 5-9-1998.)

As directrices aprobadas polo cumio de xefes de estado que tivo lugar en Luxemburgo o 15 de decembro de 1997 obrigan os Estados membros da Unión Europea a fomentaren a igualdade de oportunidades entre homes e mulleres no acceso ó emprego. Na actualidade, máis da metade dos demandantes de emprego do noso país pertencen ó xénero feminino, pero só o 38 por 100 dos contratos se realizan con mulleres. Non cabe dúbida de que un dos motivos que poden frea-la contratación das mulleres son os custos adicionais que pode ter para

a empresa se, contratada unha muller, esta queda emba-razada. Consecuencia do anterior, o Plan Nacional de Acción para o Emprego do Reino de España para 1998 establece para fomenta-la igualdade entre homes e mulleres, entre as medidas para poñer en marcha de forma inmediata, asumi-los custos da Seguridade Social a cargo do empresario derivados das situacións de maternidade ou, se é o caso, paternidade, cando os traballadores se encontren en períodos de descanso por tal causa, por adopción ou por acollemento de menores.

Na súa virtude, sendo urxente a adopción das medidas anteriormente expostas e facendo uso da autorización contida no artigo 86 da Constitución, por proposta do ministro de Traballo e Asuntos Sociais e logo de deliberación do Consello de Ministros na súa reunión do día 4 de setembro de 1998,

DISPÓN O :

Artigo 1.

Os contratos de interinidade que se realicen con persoas desempregadas para substituír a traballadores que teñan suspendido o seu contrato de traballo durante os períodos de descanso por maternidade, adopción e acollemento, nos termos establecidos no número 4 do artigo 48 do Estatuto dos traballadores, terán dereito a unha bonificación do 100 por 100 nas cotas empresariais da Seguridade Social, incluídas as de accidentes de traballo e enfermidades profesionais, e nas achegas empresariais das cotas de recadación conxunta.

A duración máxima das bonificacións previstas no parágrafo anterior coincidirá coa dos períodos dos descansos a que se refire o citado número 4 do artigo 48 do Estatuto dos traballadores. Nos supostos en que o traballador non esgote o período de descanso a que tivese dereito, os beneficios extinguiranse no momento da súa reincorporación á empresa.

Artigo 2.

Os beneficios que se establecen no artigo anterior non serán de aplicación nos seguintes casos:

a) Contratacións de interinidade que se subscriban co cónxuxe, ascendentes, descendentes e demais parentes por consanguinidade ou afinidade ata o segundo grao inclusive do empresario, ou daqueles que sexan membros dos órganos de administración das empresas que revistan a forma xurídica de sociedade.

b) Contratos realizados polas administracións públicas e os seus organismos autónomos.

c) Contratos de posta a disposición.

Artigo 3.

As contratacións realizadas ó abeiro do establecido nesta disposición rexeranse polo disposto no artigo 15.1.c) do Estatuto dos traballadores e polas súas normas de desenvolvemento.

Disposición adicional única.

As bonificacións previstas na presente norma financiaranse con cargo ó orzamento do INEM, programa 322-A, concepto orzamentario 487.03, agás as rela-

tivas á achega ó Fondo de Garantía Salarial, que se financiarán con cargo ó orzamento do dito organismo, programa 315-B.

Disposición transitoria única.

O disposto no presente real decreto-lei será de aplicación soamente ós contratos de interinidade realizados con persoas desempregadas para substituír a traballadores que inicien os períodos de descanso a partir da entrada en vigor deste real decreto-lei.

Disposición derradeira única.

O presente real decreto-lei entrará en vigor o día seguinte ó da súa publicación no «Boletín Oficial del Estado».

Dado en Madrid o 4 de setembro de 1998.

JUAN CARLOS R.

O presidente do Goberno,
JOSÉ MARÍA AZNAR LÓPEZ

22012 *REAL DECRETO-LEI 12/1998, do 18 de setembro, polo que se conceden créditos extraordinarios e suplementos de crédito por importe total de 133.161.032.673 pesetas, para atender obrigas derivadas de gastos de investimento do Ministerio de Fomento. («BOE» 225, do 19-9-1998.)*

O Ministerio de Fomento necesita créditos adicionais ós consignados no seu orzamento, para realizar actuacións e pagamentos que non se poden demorar a exercicios posteriores, correspondentes á Dirección Xeral de Estradas e á Secretaría de Estado de Infraestructuras e Transportes.

A Dirección Xeral de Estradas, como consecuencia de liquidacións de obra e obras de emerxencia do exercicio en curso, así como de actuacións derivadas de obras varias de interese xeral no eixe transversal de Cataluña e na autovía Mataró-Granollers, necesita unha dotación adicional de 57.755.700.000 pesetas.

O artigo 63 do texto refundido da Lei xeral orzamentaria, segundo a redacción dada pola Lei 11/1996, do 27 de decembro, de medidas de disciplina orzamentaria, dispón que con cargo ós créditos de cada orzamento só se poderán contraer obrigas derivadas de adquisicións, obras, servizos e demais prestacións ou gastos en xeral que se realicen no ano natural do propio exercicio orzamentario. Por iso, se as obrigas derivadas das actuacións indicadas se van xerar no exercicio 1998, deben recibila oportuna cobertura crediticia de forma urxente e inaprazable.

Ademais no orzamento deste exercicio existen dotacións específicas para atender obrigas xeradas en exercicios anteriores a 1997, que cómpre complementar na contía de 44.849.550.315 pesetas.

Finalmente, cómpre darlles cobertura mediante os correspondentes créditos extraordinarios e suplementarios, por importe de 30.555.782.358 pesetas, a diversas obrigas xeradas no exercicio 1997 que non tiveron dotación ou que téndoa os créditos do orzamento vixente son insuficientes para proceder á súa imputación.

No caso destas obrigas xeradas en exercicios anteriores o seu pagamento non se pode demorar dado o